


REDD+
ECUADOR
Bosques para el Buen Vivir

4 REDD+
AYÁMRUMATAI
EÉMTIKMA



JINTÍNKIARTAMU

Ministerio del Ambiente, Agua y Transición Ecológica
Ministerio de Agricultura y Ganadería



República
del Ecuador



Juntos
lo logramos

¿URÚKAMTAI KAMPUNTIN ÁME IWIÁKMARMIN PÉNKERAIT?

Kampúnniuka warinkish ashí irunú takakeawai, tumak nunka yapájniamunam yaímiawai, núnisan entsá waíniawai, íí irúntrar matsamtaí emésmatsuk jeamkar pénker pujustai tamá asamtaí. Nútiksan, kampúnniuka nunka yapájniawain tusa yaimniuti.

Kampúnniuka juna sukártiniati, yurumátniun, tsuámartinian nuyá shirípik ekemátain ashí aents nunká matsataínia takusárat tusa.

Tura, ame ¿nékamek, kampúnniuka tarímiat aentsu matsamtaíri tura araákma yurúmtaíri tamá nuá?: máj, kampúnniuka iwiákman mash aents mátsatka yaíniati



Jú papí aárma iniákmawai Programa Integral Amazónico de Conservación de Bosques y Producción Sostenible PROAmazonía, juka Ministerio del Ambiente, Agua y Transición Ecológica (MAATE) tura Ministerio de Agricultura y Ganadería (MAG) eémtikiamujai, aítkiasan, Programa de las Naciones Unidas para el Desarrollo (PNUD) yaimkiamu tura GEF y GCF kuit apújsamujai.

Jú yaimkiáru: Componente REDD+ y Financiamiento - PROAmazonía y Subsecretaría de Cambio Climático del Ministerio del Ambiente, Agua y Transición Ecológica (MAATE)

Aárma nérentin © PNUD 2020
Jú aármanka chikich nérenniuti

Najánamu: Tunkiniam - Ekuaturnum

PNUD tsankameawai, yakesh takamtsuk tura tesankesh íístaj taunka, turasha nú iyamunam kuitjiai turatniunka tsankameatsui, nú iyamunam yá aruit nuna aáru naári titiniati.

Jú papí enentainkia, PNUD nii aárcha ása warinkish akuish ninkia ankant juwawai.

Menaint áarma iniákmamu

Tesár tura nakumak najaná: LAINCRE S.A.

Jú aárma pachintiakur iturá titiniati:

Ministerio del Ambiente, Agua y Transición Ecológica (MAATE), Ministerio de Agricultura y Ganadería, Programa de las Naciones Unidas para el Desarrollo. 2021. Guía de Capacitación REDD+. Programa Integral Amazónico de Conservación de Bosques y Producción Sostenible (PROAmazonía). Ecuador.

¿REDD+ WARÍ TAMAIT?

REDD+ tamaka, kampuntín ájam, émeseam nasénam Carbono - kayushik mayai emésma, ishichik amajsataj tamaiti. (+) takurkia, íí kampunniúri waíniakur kayushik mayaí nukap utuwai takústai tamaiti.


Mátsatka REDD+jai takakmastaj takunka, júna neka ártiniati: numi ajakchatniun, kampunniúsha emesmakchatniun, turuneakui aents kampunniu waininiak kuitri pachintiak pénker matsámsarat tamaiti.

Tuma asamtaí, kampuntín waínmaka, númi ájachkur, aénts mátsatkamuri shíír pujusárat tamaiti. Núnis uminkiuí, tseas mayai (CO₂) nasénam watsuk kampunniunam mukunamú juakat tamaiti.


Nú chicham umínkin wetí tusa, Kampúnniun chichámrin MAATE, juna najánawaiti REDD+ chichaman, júka mátsatkamu pachinkiamujai.

¿NEKATÁ, AYAMRUMAKTIN CHICHAM WARIMPIAT?

REDD+ takat eémtikmanum emésmankain tusar takákmamuiti, júka kampuntin waíniakur shiír matsamsatin tamaiti.



AYÁMRUMATAI CHICHAM PAÁNT NÉKAMU:



Emésmamu aínk tusar jintiámu.

Kampuntin waíniakur, nú waíniamunam kuitri pachíntiamu.

Tarimiat aénts chichamrúkma ayámramu.

¿AYÁMRUMATAI WARÍNIUA PENKERAIT?

REDD+ eémtikiamunam, mátsatkamunan emésmakminia nú jintiámu tamaiti.

Tarimiat aentsu chichame uminkiat tusar utsukratkatin, júka mashi írutka pachiniar takakmainiamunam.

Tarimiat aentsu turutairi tura nekatairi arantukma atí tamaiti.

Nuwasha tura aishmansha métek pachinkiarat tamaiti, REDD+ eémtikiamunam.

Írutkamu nekatairi tura turutairi ikiakartin eámuti

Nuwasha, aishmansha, uchisha, natsasha tura tarimiat aents mashi pachinin árat tamaiti.

Kampuniunam ashí írunu waitmaktin tamaiti, mátsatkamunan yaímin asantai.

Nekás pachínma



Kampuniunam írunu wainkiatin



¿ÏNIÁMRUMATAI ITIURÁ TAKÁKMA?



Kampúnniu chichámrin MAATE, chicham uminkiat tusa íistiniaiti, nú takakmainia itiurchat wainkiarain tusa

Ayámrumaktinkia, Ekuaturnum umíktin papí aárma aínia nújai métek, aentsu takákmarí arantakur, kampuntin emésmankain tusar najánamuiti.

Shiír ayámrumatai jimiártukar eémtikiamuiti, núnis asantai, aents matsataínia níniuri uminkiat tusa útsuktiniaiti.



¿AYÁMRUMATAI CHICHAM TUÍ EÉMTIKNA?

REDD+ jú nunkanam eémtiknawai: kampuntin, tsuér tura micha nunkanam.



¿AYÁMRUMATAI REDD+, EKUATURNUM ITIURÁ EÉMTIKIAMUIT?

Ayámrumatai chicham arantukma tamá achiákeaji 2014 nuyá 2016 uwi nankamasmanum.

Ayámrumaktin chicham tepakmanum paánt nékamuiti.

Ayámrumaktin chicham umiámu, ashí nunkanam etserkatin papí aárma achiákeaji.

Sistema de Información de Salvaguardas (SIS) nájaneakur pujají, júka REDD+ chicham eémtikmanum, jintiakur mashi yaimkiatai tama asamtai.

¿AYÁMRUMATAI CHICHAMAN YÁ EÉMTIKIA?




Ekuaturnum-ka MAATE, ayámrumatai chichamnaka eémtikiawai.

Kampuntin chicham eémtikmaka, jú pachinianiámujai nájanimaiti, ONGs tura mátsatkamunan anaíkiarma yaímianiamujai.

Ayámrumatai chichamka írutkamunam nájanimaiti, nú takat juámu pachintiuinia umíktinian útsuktinaiiti, aítkiasan, nú uminiachkuinkia kampúnniu chichámrin MAATE ujáktinaiiti.

¿AYÁMRUMATAI CHICHAM AÚJMATMA TUA AÍNIA?

Tsénken chicham ainiawai: A-nam juarkí G-niam amuáwai:



A CHICHAM UMPUARMA ARANTUKAR METÉKMASAR EÉMTIKIATIN

A, jú ayámrumatai júna táwai:

Tsaninkiar chicham jusar, jú turatai tamaiti:

REDD+ eémtikiatniunam, Ekuatur ayámrumatai chichaman uúnt irúntramunam kuesmak pachintiawai

UÚNT IRÚNTRAR UÚNT PAPI UMIKTINIAN UMPUARARU	METÉKMASAR UMIKTIN REDD+ CHICHAM EÉMTIKMANUM
Convención Marco de las Naciones Unidas sobre el Cambio Climático	REDD+ chicham, kampuntin chicham aátramua nujai meték eémtikiatniuti.
Convenio sobre la Diversidad Biológica	REDD+ chicham, uúnt irúntramunam pachinkia umíktajai tamá nujai métek eémtikiatniuti.
Convenio No. 169 de la Organización Internacional del Trabajo	Kampuntin iwiarturma tura papirí aátramu, umíktiniati.



Nekaátaí, kampúnniu chichámrin MAATE tura chíkích Ekuatúrnum irúntraru aínia, tsaninkiar chicham jukítiai tusar, júnis turuiniawai:

Takak nájanma jimiartukar juakur ujanaikiar takakmastin, tura

Métek antúrnaikiar, ayámrumatai REDD+ nájanmanum eémtikiatin.


REDD+ eémtikmanum arantuktai tamá jú papí nekatniutme:

Ekuatura papirí aárma 2008 uwitin.

Plan Nacional Toda Una Vida.

Estrategia Nacional de Cambio Climático del Ecuador 2012 – 2025, Ekuatúrnum nunká yapájnía wájátratin papí aátramu.

B KAMPUNIURIN AKUPIN ÁTAI PÉNKER TAKAKMAKUR TAMAITI.



Jú ayámrumatainkia íi kampuniurin akupin átai pénger takakmakur tamaiti.

Íi kampunniúri pénger wainkiatin tamaiti, kasá enentai atsút, pénger íisar, nuka ashí aents nekawarat tamaiti, júka REDD+ chicham eémtikmanum.

REDD+ eémtikmanum, chichama emésmainiakui itiúra etserkatniut tura itiúra iwiartunairtiniat, nuna etserui, junaka ashí aents paánt nekawarat tusa.

Ayámrumatai takat juámunmanka, **ashí irúntraru aínia, írutkamú matsatania nuyá tarímiat aents ikiakartin wakeramuiti**, REDD+ eémtikiamunam.

Núnisan, jú ayámrumatai takat juámunmanka, nuwasha tura aishmansha métek pachinin árat tusar wakeramuiti.




C  **TARÍMIAT AENTSU, NÍNIURI NUYÁ NEKATAIRI AÍNIA ARATÚKMA ÁTIN.**



Tarímiat aentsu, níniuri nuyá nekatairi aínia arantukma átin.

Kampúnniu chichámrin MAATE, tarímiat aentsjai irunar takakmasaruíti, jújai: Chachi, Shuar, Cofanes, Achuar, Kichwa, mukúsa aents nuyá Siona. Aítkiasan, írutka núí matsataíniajaisha.

Nú irúntramunam, aújmatssar enentai jusamuiti, REDD+ itiurá eémtikiatniut. Nú takat juámunam írutkamu utsúmamuri, wakéramuri nuyá takurmástin wakéramu yaínma árat tusar.



Tarímiat aentsu níniuri tura paánt nékamuri pénger nekár takakmastiniaiti:

Nunkentin tura nunka takustin, núí kuit waintia írunun pachintiukarat tusar.


Tarímiat aentsu nekatairi nuyá turutairi ayamrukma átin tamaiti.

Írúntrar pujutai, nuyá aents iruntrá aújmatstairi aínia arantúkma átin.

Aníntramunam, tarímiat aents pachinkiarat tusar útsuktiniati.



D PACHINIAMUNAM, NEKÁS IRÚNTRAR PACHÍNMA EÉMTIKIATIN



Ayámrumatai chicham D, wakerawai, aents pachiniak enentai apujsat tusa, turak Ekuaturnum pujamu kampuntin emésmankain tusa.

Jú ayámrumatai warínia aújmatea?

Aénts irúntrar matsatainia, nekaska pénker pachínma átinian

Ayámrumatai chicham nekás uminkiat takurkia jú turatniuti:

Takat nájanma chicham nekatín tsankamkamu átiniaiti.

Aents, utsumka nukap takákainia ikiakartín.

Irúntrar, pachínkiur chicham aújmatai najánkatín.

Irúntrar jintinkrateamunam, nuyá takat najánatín enentai juámunam, nuwa, uchi, tura uúnt pachiktiniati.

REDD+ takat eémtikiamunam, emésmamu itiurá chicham iwiárvatniuit núna étserewai.

E KAMPUNTIN TAKÁSCHAMU TURA NUÍ ÍRUNU WAINKIATIN, AÍTKIASAN, NUÍ ÍRUNU PACHINKIA NASHAMAATIN



“ irúntramunam pachiniakum, aújmatea núnú kajinmatkip, túrakum írutkamuram ikiakártatme! “


Kampuntín nuyá ashí iwiakma matsaínia waínmaka, níí takákmarí arantuktai tamaiti, nuka aénts pujústinian yaímin asamtai. Ayámrumatai uwéjka júna tawai, **kampúnniuka wainkiatniuiti, ashí iwiakma matsatainia tura pénkera ajamá asamtai.**

Jú ayámrumatainkia júna yaímiui:

Kampuntín emésmakchatín, ashí iwiáku matsatainia wainkiatín, turakur kampúnniu penkerí pachintiuktín tamaiti.

Íí kampunniúri pénker wainkiatín júnis atí tusar: éntsa saáwi, yurúmak átin, tsuámatai nupa, árak aínia iruniarat tusar.

Kampuntín waíniamunam yaimkiatín. Juka, kampunniu waíninia aents pujamuri yaintín tamaiti.



F



TUKE ÁTIN, TAKAT EÉMTIKMANUM IKIURMASHIM TAKAKMASTIN



“ Ayámrumatainkia, íi kampunniúri emétsuk, nú iwiákma matsátusha pénker waínkiatin tama chichamra nú nékamek?

Neka átiniatme: kampuntín waíniamka kashín shiír mayáttinian amástatji, tuma asamtai mashi irúntrar waínkiatniuitji.

Warí tamait, nasénam mayai ajápma núkap tsawant emésma itiarar pujustai tamasha?. Júna aújmatui amúamunam ayámrumatai chichamka. **Nasénam máyai ajápma itiártai tamaiti**, júka kampuntín ajarma awaínkir arákmakur, nú turakur kampuntín nukap takustin wakeramuiti.

Jú ayámrumatainkia júna aújmatui:

Iístiniaiti kampuntín ájamu tura emeseamunam, nisha araákmatin takat juámu írunu, nekachma ámanum takakmastin nánkameamu, pachinkiachmanum tura aújmsachmanum takat juarma, surutai tura sumatai nukap irúneamunam, jú surúkmin ámanum numi, café, tura wakámp´

Chicham eémtikmaiti, Gases de Efecto Invernadero – tsuér mayai nunká emesmakain tusar, kampuntín ekémamunam, entsa amáreak tura nunka metsánrak tamaiti.

Tíi unuímarmajai nekamtai najánkamú ikiakartin, júka íi kampunniúri tura pujámuri itiurá muchitia nú nekatai tusar tamaiti.

Jú ayámrumaktin (F) nájanmaka, tseás mayain kampuntín mukuná takakma, ukunam nasénam ájapeam itiúrchat amájkartin tusa takákmattamaiti.


G



YAJAUCH MAYAI CHÍKICH NUNKANAM EMESMAKAIN TUSAR TAKÁKMATTSATIN

Yamaikia amúamunam, ayámrumatai takat G aújmatman ujáktatajme. Júka yajauch mayai nasenam wearáin tusar waínkiatin tamaiti, znúsha warí tamait?

“ yamaikia ayámrumatai chicham neka asam, áme tui pujám nú jintikiartutua”.



Nuka, númi ajákchatin, antsu awájsatin tamaiti.

Kampuntín ajántrain tusar, kampúnniu chichámrin MAE takat juámu yaintiniaiti.

Kampuntín ájam emésmankain tusar jú takat najánatniuti: íi kampunniúri iniákmakur kuít waitmaktin; yaúnchu saák takasmanumank waákaka ipiampartin tamaiti. Tíi pénker átatui, kampuntín takamcha írunu ajakí weáchkur.

Kampuntín waínkiatin tusar takat unuímiastrar najánkamú, írutkamunam nekátniuti, íi kampunniúri itiúrchatrí nankaámasha yúpichu nekatai tusar.

Mashi pachinkur, íi kampunniúri waínkiatin ikiakartatji, turakur, kampunin emésmakchattaji.

Arákmakrish númi numi ajákchamnianum arákmattniuiti, kampunniúnam nú írunush shiír takústai tusar.



Anújtai:

Anújtai:



Nunka yapájniamu uchich papi aujtaikia, tarimiat aents matsatkainia jintiatin tamaiti, júka nunka yapajnia, kampuntin, kampuntin ajákchatin tura emésmakchatin nékamuri nú nukap jintiatai tusar.

Jú unuimiat Ekuaturnum jintiamuka eémkatoi tamaiti, kampuntin wainiakur tura emésmatsuk arákmakur



Ambiente_Ec
AgriculturaEcuador
Pnud Ecuador
PROAmazoniaEC



Ambiente_Ec
AgriculturaEcuador
Pnud Ecuador
PROAmazoniaEC

Ministerio del Ambiente, Agua y Transición Ecológica
Ministerio de Agricultura y Ganadería



República
del Ecuador



Juntos
lo logramos